

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINSKI SUD U TUZLI**  
**Broj: 32 0 St 494132 25 St**  
Tuzla, 01.06.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom „ARHAMI-TRADE“ d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40, koga zastupa punomoćnik Rizah Uljić, advokat iz Tuzle, nakon provedenog prethodnog stečajnog postupka, dana 01.06.2026.godine donio je

## **R J E Š E N J E**

**OTVARA SE stečajni postupak** nad imovinom dužnika „ARHAMI-TRADE“ d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40, ID: 4209447570000, MBS: 1-7229.

Za stečajnog upravnika imenuje Amir Mujezinović iz Tuzle, ul. Armije BiH br. 13, Tuzla.

**ZAKLJUČUJE SE** stečajni postupak nad imovinom dužnika „ARHAMI-TRADE“ d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

## **O b r a z l o ž e n j e**

Rješenjem Općinskog suda u Tuzli broj 32 0 St 494132 25 St od 24.02.2026.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „ARHAMI-TRADE“ d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40, a privremenog stečajnog upravnika imenovan je Amir Mujezinović iz Tuzle, a sve temeljem člana 61. Zakona o stečaju ( Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 13.03.2026.godine. Iz izvještaja privremenog stečajnog upravnika proizilazi da je djelatnost društva bila trgovina na veliko odjećom i obućom. Društvo je imalo poslovne aktivnosti do 2015. godine i prestalo sa radom 15.09.2015. godine kada je Općinski sud donio rješenje 032-0-Reg-15-001433 kojim je za navedeno društvo utvrđen prestanak utvrđen je prestanak rada u skladu 365.stav 1. tačka 3 i stav 2. Zakona o privrednim društvima. Prema izvještaju Kantonalnog poreznog ureda Tuzla, Porezna ispostava Tuzla broj 13-3/1-12-45-2169 od 03.03.2026.godine evidentiran je samo jedan zaposleni Mirhet Hadžiarapović koji je objavljen 15.09.2015. godine. Sjedište društva je bilo u iznajmljenom poslovnom prostoru. Društvo ne posjeduje dokumentaciju, knjigovodstvo je bilo eksterno. Zadnje finansijske

izvještaje sastavio je i predala u FIA računovođa Senada Okanović sa 31.12.2025. godine. Prema dostavljenoj dokumentaciji analitika za obaveze postoji: postoje obaveze po pozajmicama vlasniku, prema zaposlenim i prema poreznoj upravi za poreze i doprinose. Društvo nije posjedovalo fiskalnu kasu, te je društvo posjedovalo samo jedan račun u NLB Banci i isti je ugašen. Nadalje, društvo nije upisano u Jedinostveni registar obveznika indirektnih obaveza. Trenutno u društvu nema prijavljenih radnika. Vlasnik/prokurista objavljen 15.09.2015. godine nakon Rješenja Općinskog suda Tuzla o prestanku rada društva. Društvo ima duga po osnovu ugovorenih obaveza dug u iznosu od 50.404,00 KM od čega se na poreze i doprinose odnosi 19.343,15 KM, a 31.041,00 odnosi na obaveze za plate. Društvo je poslovalo preko računa otvorenog u NLB banka d.d. Sarajevo koji je ugašen 01.06.2007. godine, a društvo je sačinilo i predalo završne finansijske izvještaje u FIA sa 31.12.2025. godine. Društvo ne posluje zadnjih dvanaest godina, a prema finansijskim izvještajima na dan 31.12.2025. godine ima evidentirano samo 43,00 KM imovine, koje se odnose na sredstva na računu koji je ugašen. Društvo u finansijskim izvještajima ima evidentirane ostale dugoročne obaveze u iznosu od 87.928,00 KM koje se odnose na pozajmice od vlasnika, ugovorene obaveze (obaveze za plate i pripadajuće poreze) u iznosu od 50.404,00 KM, obaveze za poreze, koje je PU dostavila u svojoj potvrdi. Društvo ima evidentiran gubitak iznad visine kapitala u iznosu do 140.289,00 KM. Društvo nema evidentirane obaveze prema UIO BiH za PDV i isto nije upisano u registar indirektnih poreza. Društvo je prestalo sa poslovanjem sa 15.09.2015. godine i trenutno nema zaposlenih.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „ARHAMI-TRADE“ d.o.o. za proizvodnju, unutrašnji i vanjskotrgovinski promet roba i usluga Tuzla, ul. Amalije Lebeničnik br. 40.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 08.04.2026. godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 30/26, dana 22.04.2026.godine, na oglasnoj tabli suda dana 09.04.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija**  
**Antonela Đaković**

**POUKA O PRAVNOM LIJEKU:**

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.